

आकाशवाणी

खबरां -----

1. भारती जनता पार्टी दे वरिष्ठ नेता ते प्रधानमंत्री नरेंद्र मोदी होरें आखेआ ऐ जे इंडी गठबंधन कश साफ नजरिये ते भरोसे दी कमी ऐ ते उंदे आपसी मतभेद सब्बनें दे सामने न।
2. चुनांस आयोग नै औंदे लोकसभा चुनाएं च युवाएं ते शैहरी मतदाताएं दी हिस्सेदारी गी बदाने आस्तै केइएं जत्नें ते अभियानें दी शुरूआत कीती ऐ।
3. चुनांस आयोग नै आखेआ ऐ जे आम चुनाएं दी घोषणा मगरा सुविधा पोर्टल पर 73 जहार थवां मते आवेदन अजें तगर हासल होए न।
4. ेसेना दे त्रों अंगें दा इक रोजा सांझा सम्मेलन कल यानि परिवर्तन चिंतन कल यानि 8 अप्रैल गी लग्गोग।

<><><><><><>

PM-Bihar

भारती जनता पार्टी दे वरिष्ठ नेता ते प्रधानमंत्री नरेंद्र मोदी होरें आखेआ ऐ जे गठबंधन कश साफ नजरिया ते विश्वसनीयता दी कमी ऐ ते उंदे आपसी मतभेद सब्बनें दे सामने न। बिहार च इक जनसभा गी संबोधित करदे होई प्रधानमंत्री होरें आखेआ जे विपक्षी गठबंधन दे नेता उंदी गरंटी थवां डरदे न। उनें आखेआ जे विपक्ष भ्रष्टाचार गी बढ़ावा देना ते विकास च रूकावट पाना चाहंदा ऐ। मोदी होरें आखेआ जे उनें जनता थवां हुनै तगर कीते गेदे वायदे पूरे कीते न। मोदी होरें आरोप लाया जे कांग्रेस, राश्ट्रीय जनता दल ते होर दुए विपक्षी दल मुल्खें गी त्रुड़ना चाहंदे न की जे ओह नेई चाहंदे जे संविधान पूरे मुख्य च इक बरोबर ते इककै चाल्ली कन्नै लागू होन। उनें कांग्रेस दे चुनावी घोषणा पत्र गी तुष्टिकरण दा दस्तावेज दस्सेआ। प्रधानमंत्री होरें आखेआ जे पिच्छले 10 बरें दौरान दफा 370 ते त्रै तलक जनेह कम्म उंदी गरंटी दा प्रमाण न। उनें आखेआ जे 500 बरे मगरा राम मंदर दा सुखना पूरा होआ जिसदा कांग्रेस नै म्हेशां विरोध कीता। इस मौके पर मुखमंत्री नीतिश कुमार ते घटक दलें दे नेता बी मौजूद हे।

<><><><><><>

**EC-Social Media**

चुनांस आयोग नै आँदे लोकसभा चुनाएं च युवा ते शैहरी मतदाताएं दी हिस्सेदारी बदाने आस्तै सोशल मीडिया पर केई पैहलें ते अभियानें दी शुरूआत कीती ऐ। आयोग मतदाताएं तगर अपना सनेहा पजाने आस्तै टर्निंग-18 ते U are the one अभियानें राएं आकर्षक विशे, लोकप्रिय आइकन ते सरबंधी सामग्री दा इस्तेमाल करा रदा ऐ। टर्निंग-18 अभियान दा मुख मकसद आँदे चुनांस च युवा मतदाताएं गी आकर्षित करना ऐ। U are the one दा मकसद चुनावी प्रक्रिया च शामिल बक्ख-बक्ख सरबंधी धड़ें दे अनमुल्ले योगदान गी स्वीकृति देना ऐ।

<><><><><><>

### **EC-Suvidha**

निर्वाचन आयोग नै आखेआ ऐ जे लोकसभा चुनाएं दी घोषणा दे बाद शड़े 20एं दिनें दे अंदर गै सुविधा पोर्टल पर 73 जहार कोला मते दरखास्तां आइयां न। सुविधा पोर्टल दी मदद कन्नै चुनांस प्रचार अवधि दे महत्व गी दिक्खदे होई रैलियां आयोजित करने, आरजी तौरा पर पार्टी दफ्तर खोलने, घर-घर जाइए प्रचार करने, वैन, हैलीकाप्टर ते गड्डी वगैरा लेई परमिट हासिल करने ते प्रचार सामग्री बंड्जने दी परमिशन लैती जाई सकदी ऐ। निर्वाचन आयोग नै दस्सेआ ऐ जे

हासल अर्जिएं चा 44 ज्हार 600 कोला मतिएं गी मंजूरी थहोई गेदी ऐ।  
आयोग नै आखेआ ऐ जे सुविधा पोर्टल चुनांस प्रबंधन च पारदर्शिता गी  
बी बढ़ावा दिंदा ऐ। लगभग 11 ज्हार 200 अनुरोध नामंजूर कीते जाई  
चुके दे न ते 10 ज्हार थवां मते रद्द कीते गे न। सब्बनें थवां मते 23  
ज्हार अनुरोध तमिलनाडू थमां लगभग 12 ज्हार पच्छिम बंगाल थवां ते  
10 ज्हार थवां बद्द मध्य प्रदेश थवां हासिल होए न। सुविधा पोर्टल  
निर्वाच आयोग आस्सेआ विकसित प्रौद्योगिकी ऐ जेड़ी आजाद रिर्पक्ख  
ते पारदर्शी चुनांस दे लोकतांत्रिक सिद्धांतें दे मुजब बरोबर सुविधा  
उपलब्ध करोआंदा ऐ। राजनीतिक दल ते मेदवार चुनांस प्रचार सरबंधी  
इजाजत आस्तै इस पोर्टल पर ऑनलाइन अनुरोध करी सकदे न।  
सब्बनें सरबंधी धड़ें गी बरोबर मौके उपलब्ध करोआने आस्तै  
बॉफलाइन आवेदन बी कीते जाई सकदे न।

<><><><><><><>

## **App-Protest**

आम आदमी पार्टी नै दिल्ली दे मुखमंत्रि अरविंद केजरीवाल हुंदी  
कथित शराब नीति कन्ने जुड़े दे रपे पैसे दे हेर-फेर सरबंधी मामले च  
गिरफ्तारी दे विरोध च इक दिन दा सामुदायिक तौर पर उपवास  
कीता। पार्टी नेता संजय सिंह, आतिशी ते गोपाल राय होरें बड़लै

दिल्ली दे जंतर-मंतर पर उपवास शुरू कीता। पार्टी कार्जकर्ताएं गी संबोधित करदे होई संजय सिंह होरें कथित तौर पर दोष लाया जे शराब नीति घोटाले च सब्बै सबूत ते बयान झूठे न। पार्टी नै केंद्र पर सरकारी संस्थाएं दे गलत इस्तेमाल दा बी आरोप लाया। भारती जनता पार्टी नै नमीं दिल्ली दे पालिका बजार च विरोध प्रदर्शन दा आयोजन कीता। एह विरोध दिल्ली दे केजरीवाल हुंदे कथित तौर पर शराब नीति घोटाले आले मामले ते सरकारी फंड दे गलत इस्तेमाल गी लेइये हा। भारती जनता पार्टी दे नेता बांसुरी स्वराज होरें कथित तौर पर आरोप लाया जे दिल्ली दी आम आदमी पार्टी दी सरकार भ्रष्टाचार दा पर्याय ऐ।

<><><><><><><>

### **Congress-WB**

कांग्रेस नै अज्ज लोकसभा चुनांस आस्तै त्रै मेदवारें दी सूचि जारी कीती ऐ। पार्टी नै पच्छिम बंगाल च बनगांव सोयां प्रदीप बिस्वास, उलूबेरिया थवां अजहर मल्लिक ते धाटाल थवां डॉक्टर पापिया चक्रवर्ती होरें गी मेदवार बनाया ऐ। भगवानगोल विधानसभा क्षेत्र दे उप चुनांस च अजूं बेगम कांग्रेस दी मेदवार होडन।

<><><><><><><>

## CDS-Tri Service Conference

सेना दे त्रौनें अंगे दा इक रोजा सांझा सम्मेलन संगारें नमीं दिल्ली च लग्गोग। परिवर्तन चिंतन नां दे इस सम्मेलन दा मकसद नमें विचारें, नमिं पैहलें ते सुधारें पर जोर देना ऐ, तां जे फौज दे त्रौनें सीगें बशकार नेड़मा ते बेहतर तालमेल बधाया जाई सकै। सम्मेलन दी अध्यक्षता रक्षा प्रमुख सी.डी.एस. जनरल अनिल चौहान होर करडन। एह फौज दे त्रौनें अंगे दे प्रमुखें, सैन्य कार्य विभाग ते इंटीग्रेटिड डिफेंस स्टाफ दे मुख्यालयें दा पैहला सांझा सम्मेलन होग। सम्मेलन च सेनाएं दे बक्ख-बक्ख स्तरें दे अफसर अपने तजुर्बे सांझ करडन ते एकीकृत बवस्था गी कार्यरूप देने बारे अपने-अपने सुझा ते विचार रक्खडन। रक्षा मंत्रालय नै दस्सेआ ऐ जे भारती सशस्त्र बल भविकख दे युद्धें लेई अपने आपै गी तैयार करा करदे न, इसी दिक्खदे होई संयुक्त अभियान लेई सेना दे त्रौनें अंगे बशकार तालमेल गी मजबूत करने लेई केई पैहलकदमियां कीतियां जाऱदियां न।

<><><><><><><>

## China-LS Election

माइक्रोसाफ्ट नै चेतावनी दिती ऐ जे चीन आर्टिफिशल इंटेलीजेंस दे राहें भारत, अमरीका ते दक्खन कोरिया च चुनांस प्रक्रिया च खलल

पाने दी तैयारी करै करदा ऐ। चीन आस्सेआ ताईवान दे राष्ट्रपति  
चुनाएं दरान नतीजें गी प्रभावित करने लेई आर्टिफिशल इंटेलीजेंस राहें  
ट्रायल रन आयोजित करने दे बाद एह चेतावनी आई ऐ। इस बरे  
यूरोपी संघ दे अलावा दुनिया दे घट्टोघट्ट 64 मुखें च चुनांस होने  
न। इनें मुखें च दुनिया दी लगभग 49 प्रतिशत आबादी रौहंदी ऐ।  
माइक्रोसाफ्ट दी खूफिया टीम मताबक चीन दे समर्थन आहला साइबर  
ग्रुप उत्तर कोरिया दे सैहयोग कन्नै इस बरे केई चुनाएं गी निशाना  
बनाई सकदा ऐ।

<><><><><><>

### **BJP-Congress**

भारती जनता पार्टी नै कांग्रेस पार्टी दे राष्ट्री प्रधान मल्लिकार्जुन खड़गे  
हुंदे जम्मू-कश्मीर ते दफा 370 बारै दिते गेदे बयान पर त्रिखी  
प्रतिक्रिया दिंदे होई कांग्रेस पार्टी दी जबरदस्त नुक्ताचीनी कीती ऐ।  
नमीं दिल्ली च मीडिया गी संबोधित करदे होई पार्टी दे प्रवक्ता सुधाशुं  
त्रिवेदी होरें आखेआ ऐ जे कांग्रेस पार्टी ने इक राष्ट्री पार्टी होने दे  
नैतिक इख्तयार बी मोहाई दित्ता ऐ। उनें दोष लाया जे कांग्रेस पार्टी  
भारत दी एकता ते अखंडता कन्नै खिलवाड़ करै करदी ऐ। त्रिवेदी होरें  
अग्गे आखेआ जे कांग्रेस पार्टी आस्सेआ कश्मीर दे भारत दा हिस्सा

होने दे दफा 370 ढाहने बारै सोआल पुट्टना अपने आपै च इस पार्टी  
दी मंशा ते रौं गी दर्शादा ऐ।

<><><><><><>

### Udh. L.S

लोकसभा चुनांs दे पैहले गेड़ तैहत जम्मू-कश्मीर दे उधमपुर-कठुआ-  
डोडा लोकसभा हल्के च बी 19 अप्रैल गी वोट पोआए जाडन। इस गेड़  
दे मतदान लेई चुनांs प्रचार पूरे जोरें-शोरें जारी ऐ। इस संसदीय हल्के  
च 5 जिले ते 18 असैम्बली हल्के न जित्थे मतदाताएं दी गिनतरी  
16 लक्ख 23 जहार कोला मती ऐ। इस हल्के च चुनांs मैदान च कुल  
12 मेदवार न जिंदे च बीजेपी दे डॉ. जितेंद्र सिंह, जेहड़े केंद्री मंत्री बी  
एन कांग्रेस दे चौधरी लाल सिंह, जेहड़े दऊं बारी सांसद रेही चुके देन,  
डेमोक्रेटिक प्रोग्रेसिव अजाद पार्टी दे जी.एम सरूरी शामिल न। चुनांs  
आयोग चुनांs पूरी चाल्ली रमानदारी ते बवस्था आले ढंग्गै सिर तोड़ी  
चाढ़ने लेई सब्बै बदोबस्त करा रदा ऐ।

<><><><><><>

### World Health Day

सेहत दे बारै च वैश्विक सतह पर जागरूकता आनने आस्तै अज्ज  
विश्व सेहत दिवस मनाया जा रदा ऐ। विश्व सेहत संगठन नै इस बरे

आस्तै विशेसार रक्खेआ ऐ, मेरी सेहत मेरा अधिकार। एहदा मकसद लोडमंद सेहत सुविधाएं दा अभाव झल्ला रदा ऐ, विश्व दे लगभग साड्डे 4 अरब लोकें गी सेहत सरबन्धी दिक्खभाल उपलब्ध करोआंदा ऐ। एह गिनतरी दुनिया दी कुल अबादी दे अददे थवां बी मती ऐ। आकाशवाणी समाचार कन्नै गल्ल करदे होई अखिल भारतीय आयुर्विज्ञान संस्थान नमीं दिल्ली दी प्रोफेसर डॉ. रीमा हौरें आखेआ जे जीवन शैल४ी च बदलाव आनिए ते योग जनेह् अभ्यास अपनाइए नेकां बमारियां दूर कीतियां जाई सकदियां न। जीवनशैली कन्नै जुड़ी दियां बमारियां खास करी युवाएं च तेजिया कन्नै फैला रदियां न। विश्व सेहत दिवस पैहली बारी 1950 च मनाया गेआ हा ते सेहत दे महत्व प्रति दुनिया दा ध्यान आकर्षित कीता गेआ हा।



### **AICC-Reviews**

कुल भारती कांग्रेस कमेटी दे महासचिव के.सी वेणुगोपाल हौरें AICC दे कोआर्डिनेटरें रविंद्र शर्मा ते नरेश गुप्ता हुंदे कन्नै उधमपुर ते जम्मू लोकसभा हल्कें च कांग्रेस पार्टी दिएं संगठन सरबन्धी गतिविधिएं ते चुनांस प्रचार अभियान दा जायजा लैता। वर्चुअल ढंग्गै नै लाई गेदी इक मीटिंग च वेणुगोपाल हौरें जम्मू संभाग दे दौनें लोकसभा हल्कें च

जारी चुनांs अभियान दी समीक्षा कीती। इस मौके पर उनेगी पार्टी दे मेदवारें चौधरी लाल सिंह ते रमन भल्ला हुंदे पक्ख च असरदार अभियान लेई बक्ख-बक्ख स्तरें पर पार्टी दिएं इकाइयें ते गठबंधन पार्टिं कन्नै तालमेल बारै जानकारी दिती गई। AICC दे कोआर्डिनेटरें उनेगी अजें तोड़ी दे कामयाब अभियान ते बक्ख-बक्ख सतहें पर तालमेल बारै बी अवगत करोआया।

<><><><><><>